



Broj: 05-16-4-2662-7/15
Sarajevo, 10.04.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU
o dodjeli ugovora u postupku javne nabavke

I

Dodjeljuje se ugovor ponuđaču AUTODELTA d.o.o. Sarajevo, Bolnička do broja 11 u postupku javne nabavke usluga popravke i održavanja službenih vozila marke Škoda.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 16.03.2015.godine, pokrenulo konkurentski postupak nabavke usluga popravke i održavanja službenih vozila marke Škoda i izvršilo objavu na portalu javnih nabavki Agencije za javne nabavke Bosne i Hercegovine, dana 19.03.2015.godine.

19.03.2015.godine upućeni su pozivi za dostavljanje ponuda sljedećim ponuđačima: ASA –PSS d.o.o. Sarajevo, AUTODELTA d.o.o. Sarajevo, BOS-MONT d.o.o. Sarajevo i UNIS AUTOMOBILI I DIJELOVI d.o.o. Sarajevo.

U ostavljenom krajnjem roku za dostavljanje ponuda pristigle su četiri ponude i to od strane sljedećih ponuđača: AUTODELTA d.o.o. Sarajevo, Bolnička do broja 11, BOS-MONT d.o.o. Sarajevo, Aleja Bosne Srebrene 87, UNIS AUTOMOBILI I DIJELOVI d.o.o. Sarajevo, Muhameda ef. Pandže broj 13 i BUNJO d.o.o. Sarajevo, Alipašina bb.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljena ponude od ponuđača AUTODELTA d.o.o. Sarajevo i BOS-MONT d.o.o. Sarajevo ispunjavaju formalno pravne i tehničke uslove navedene u konkurentskom zahtjevu i smatraju se prihvatljivim.

Nadalje, Komisija je nakon analize i procjene dokumentacije priložene uz ponude UNIS AUTOMOBILI I DIJELOVI d.o.o. Sarajevo i BUNJO d.o.o. Sarajevo, utvrdila da iste ne ispunjavaju sve formalno pravne i tehničke uslove navedene u konkurentskom zahtjevu i smatraju se neprihvatljivim iz sljedećih razloga:

Ponuda UNIS AUTOMOBILI I DIJELOVI d.o.o. Sarajevo nije prihvatljiva iz dva razloga odnosno ne zadovoljava uslove iz tačke 4.1.5 pod 1. odnosno tačke 4.1.6 pod a) konkurentskog zahtjeva nabavke usluga popravke i održavanja službenih vozila marke ŠKODA, (prvi razlog) kojom je propisano da ponuđač može učestvovati u postupku nabavke, ako je u posljednje dvije godine uspješno realizovao najmanje dva ugovora, koji se odnose na popravke i održavanje vozila (predmetnog konkurentskog zahtjeva) u visini ukupne vrijednosti ponude i da u tom smislu kao dokaz mora dostaviti potpisane i ovjerene potvrde primaoca usluga o uspješnoj realizaciji ugovora koji se odnose na popravke i održavanje vozila (predmetnog konkurentskog zahtjeva), a potvrda treba da sadrži naziv primaoca usluga, naziv isporučioaca, predmet, novčanu vrijednost i vremenski period realizacije, a potvrde moraju biti originali ili ovjerene kopije.

Naime, ponuđač UNIS AUTOMOBILI I DIJELOVI d.o.o. Sarajevo, kao dokaz o uspješnoj realizaciji ugovora dostavio je zahtjev za izdavanje potvrde o uspješnoj realizaciji ugovora upućen Obavještajno-bezbjedonosnoj agenciji BiH broj: 237-03/2015 od 23.03.2015.godine, kao dokaz da je zahtjevao potvrdu od druge ugovorne strane i okvirni sporazum između Obavještajno-bezbjedonosne agencije i UNIS AUTOMOBILI I DIJELOVI d.o.o. Sarajevo, o pružanju usluga redovnog održavanja i servisiranja putničkih motornih vozila, koje je uključivalo i vozila marke „Škoda“, s obzirom da nije mogao pribaviti potvrdu o realizaciji ugovora, što zadovoljava uslov iz konkurentskog zahtjeva. Međutim, uz navedeno, UNIS AUTOMOBILI I DIJELOVI d.o.o. Sarajevo dostavio je i potvrdu o uspješnoj realizaciji ugovora izdatu od strane JP Elektroprivreda BiH broj: 09-34208/14 od 23.10.2014.godine, u kojoj je navedena ukupna vrijednost ugovora od 95.000 KM, ali ne i da je vršena popravka i održavanje vozila marke Škoda i period realizacije ugovora, odnosno vremenski period na koji se odnosila realizacija ugovora, a u tački 4.1.5 pod 1. izričito stoji da ponuđač može učestvovati u postupku nabavke, ako je u posljednje dvije godine uspješno realizovao najmanje dva ugovora ukupne vrijednosti minimalno vrijednosti ponude, a koji se odnose na popravke i održavanja vozila marke Škoda. Iz navedene potvrde se ne može zaključiti da je vršena popravka i održavanje vozila marke Škoda, te da se vrijednost ugovora odnosila na vremenski period od posljednje dvije godine, čime se ne može smatrati da je ponuđač dostavio traženi dokaz iz tačke 4.1.5 konkurentskog zahtjeva, odnosno tačke 4.1.6 pod a).

Drugi razlog zbog koga se ponuda UNIS AUTOMOBILI I DIJELOVI d.o.o. Sarajevo, ne može smatrati prihvatljivom je što ponuđač nije dostavio u obliku koji proizilazi iz tačke 3.2.6, važeći cjenovnik originalnih rezervnih dijelova (najčešćih kvarova, uzimajući u obzir starost vozila) koji nisu navedeni u Aneksu 1, nije uopšte dostavio, kako je propisano tačkom 3.2.6 konkurentskog zahtjeva.


Ponuđač BUNJO d.o.o. Sarajevo, nije dostavio važeći cjenovnik usluga sa jasnim normativima iz kojeg bi bilo potpuno jasno koji troškovi spadaju u redovno, a koji u vanredno održavanje kako je propisano tačkom 3.2.6 konkurentskog zahtjeva.

Imajući u vidu prethodno izloženo, Komisija je konstatovala da ponude ponuđača UNIS AUTOMOBILI I DIJELOVI d.o.o Sarajevo i BUNJO d.o.o. Sarajevo, nisu prihvatljive i predloženo je da se kao takve odbace.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 18.6-16-4-2665-1/15 od 31.03.2015.godine u prilogu), da se u predmetu nabavka usluga popravke i održavanja službenih vozila marke Škoda, donese Odluka o dodjeli ugovora ponuđaču AUTODELTA d.o.o. Sarajevo, Bolnička do broja 11, čija cijena ponude iznosi 4.258,27 KM (slovima: četirihiljadedvjestotinedesetosam i 27/00 KM).

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio odluku, odnosno obavještenje o rezultatima.



Dostaviti:

- Ponuđačima,
- a/a.